

նիզակաջոջ նիզակաբեկ խաղ անէին զինուորականս և զբովանդակ զօրն զայն մեծաւ ցնծութեամբ խրոխացան...»<sup>69</sup>:

Աղբյուրները գովասանքով են խոսում Լևոն Բ-ի ձիավարժության մասին. «...և էր սա (Լևոն Բ.) այր իմաստուն և հանճարեղ ձիավարժ հմուտ և ի զինուորութիւն քաջասիրտ...»<sup>70</sup>:

Ռուբեն Ռայմոնդ թագաժառանգի մասին Սմբատը գրում է. «...պատանի զեղեցիկատեսիլ հասակաւ երկայն... ձիավարժ գովէլի, իշխանական ձեով պատկանելի»<sup>71</sup>:

Ձիավարժութեամբ զբողվել են նույնիսկ հոգևորական դասերը, որը ներսես Շնորհալիւն իր «Թուղթ Ընդհանրական»-ում «մոլութիւն» է անվանում<sup>72</sup>:

Որ գոյություն է ունեցել գործող «հրահանգ ձիավարժութեան», այդ մասին է խոսում հետևյալ վկայությունը: Հեթում Ա-ի որդին գերի է բնկնում մամլուկների ձեռքը: Նրանց սուլթանը կազմակերպում է տոնահանդես, որին մասնակցում է նաև գերի Լևոնը: «Այլ և ի ձիրնթացս ասպարիսի ելեալ, — գրում է Սամվել Անեցու շարունակողը, — ընդ Սուլթանին առավելագոյն գտավ զամենայն զինուորս ի հրահանգս ձիավարժութեան... ազատել ի բանտէ և ի կալանաց»<sup>73</sup>:

Ինչպես վերևում հիշեցինք, թեև մեզ չի հասել «ձիավորեցուցանելու» ձիասկատարության ոչ մի ամբողջական նկարագրություն և ձիավարժության հրահանգ, սակայն գտնվել է 14-րդ դարի մի մատյան, որտեղ նկարագրված է ասպետների զենքի, զրահի, դրոշի և նշանակի մասին: Մատյանը կրում է «զրահի սանձուց որ և Սլեհնոց և հազուցուց պատերազմականաց և մարտից յազգս իրեանց» վերնագիրը: Մատյանը սկսվում է այսպես. «Կնիք և օրհնութիւն աստուծոյ ամենակարողին հօր և որդոյ և հոգւոյն սրբոյն եղիցի ի վերայ յայսմ զրահիցս և հազուցոյս և ի վերայ ականողին զսա, ի յորս առ հայկելով արդարութեամբ զգեցցի նախախնամելով քո և ուղղելով Տէր Աստուած մեր որպեսզի զբարձոզն սորաց պահեսցէ անվնաս և աներկիւղ քաջամարտիկ և արիարար զինագրել և անսայթաք մնալ ամրափակ աջով քո որ կենդանի ես և թագաւորես Աստուած յախտեանս յախտենից»<sup>74</sup>:

Հայ ձիավորների հազուստի և նշանի մասին Ղևոնդ Ալիշանը գրում է. «Նշան ձիաւորացս էր խաչ կարմիր՝ զպատկեր սրբոյն Վլասոյ ի միջին ունելով, զգեստ՝ ասուեայ սպիտակ»<sup>75</sup>:

Գերմանացի հեղինակ Շունբերկը կարծում է, որ հայ ձիավորը կրում էր կապույտ հանդերձանք՝ ոսկեղեն խաչով և հայկական այրուծիով<sup>76</sup>: Մեզ թվում է, որ հայ ձիավորներն անպայման ունեցել են իրենց հատուկ զգեստը և նշանը և որ գուցե, այն որոշ չափով նման էր խաչակիր ասպետների հազուստին և նշանին: Բավականին վկայություններ կան ձիավորների ձեռնադրության մասին: Առաջին հայ ասպետը հիշատակվում է 12-րդ դարի սկզբին, որը Մսիսի-

69 Ղ. Ա ի շ ա ն, Սիսուան, էջ 476ր:

70 «Սմբատ Ապարպետի Տարեգիրք», ի Վենետիկ, 1856, էջ 194:

71 «Սմբատ Ապարպետի պատմութիւն», 1856, Փարիզ, էջ 109:

72 «Թուղթ Ընդհանրական», 1865, էջ 52:

73 «Սամուէլ Անեցու Պատմութեան շարունակող», Վաղարշապատ, 1893, էջ 222:

74 Ղ. Ա ի շ ա ն, Սիսուան, էջ 486:

75 Նույն տեղում:

76 Նույն տեղում: